


清·方略館 編

清代 方略 全書

北京圖書館出版社





清代方略全書

一八四

清·方略館編

北京圖書館出版社

清·奕訢等撰

欽定平定陝甘新疆回匪方略

卷一七三——一八六

清光緒二十二年（一八九六）鉛印本

欽定平定陝甘新疆回匪方略卷一百七十三

戊辰年

四月十六日

甲午

穆圖善奏言據署蘭州府知府

舒之翰稟稱二月十七日會同提督黃金山統
帶各營馳抵金縣適提督梅開泰副都統善山
保常順各領馬步隊先後踵至卽於二十二日
會抵狄道之東二十里鋪探得狄道賊匪蟻聚
蜂屯不計其數南北兩山均有賊卡中間平川

巢穴林立舒之翰以各營存糧無多利在急進
商令黃金山七營攻打前敵由平川進以善山
保入營接應提督傅先宗十營由南山邊進以
提督李奉清等十營埋伏山梁之上爲傅先宗
接應抄賊之後梅開泰八營由北山邊進防賊
抄我後路另派副都統常順帶領馬隊爲各路
策應舒之翰帶同涇州直隸州知州余士穀等

親赴前敵督隊其各軍後路之嵐關坪地方則
令副將范銘帶隊扼堵二十四日各營出隊平
川之賊迎撲前來該處溝澗過多我軍難以布
陣黃金山等各帶部勇一擁而上該匪拚死抗
拒鏖戰兩時之久斃賊數百名該逆仍抵敵不
退善山保帶隊橫擊手刃悍逆數名黃金山復
揮軍繞越其前兩面包抄殲擒無算餘逆始大

敗狂奔當經黃金山善山保平毀逆巢數處南
北兩山賊匪見川內股匪敗回疾奔下山援應
南面之賊經傅先宗一軍迎頭攔截北山之賊
亦經梅開泰彭忠國極力堵禦斬殺甚多是日
斃賊千餘踏平賊卡賊巢數十處我軍直追至
十里鋪沿途疊有斬馘二十五日舒之翰等仍
分三路齊進各軍縱橫盪決併力兜撿各有斬

獲餘匪狂竄山上賊卡攻毀無遺踞逆亦掃蕩
淨盡官軍直逼狄道州城下城上火彈木石紛
紛拋擲副將銜參將關得勝劉錫海副將陳長
安都司劉才棟參將銜遊擊周得順正在扒城
猝中賊槍同時陣亡黃金山督隊首先登城舒
之翰各軍冒險緣梯而上賊衆驚惶無措啟城
而逸當將城池克復餘匪剷除卽派彭忠國七

營入城駐紮善山保帶隊堵駐浮橋黃金山遂
會同各軍赴南山攻勦拱拜該逆死守不退黃
金山等衝鋒直入將拱拜之賊千餘名搜殺無
遺河州援賊數千先已潛入北莊牟弗諦震懾
軍威有悔罪投誠之意舒之翰未敢遽信現仍
督隊圍攻其派赴嵐關坪堵勦之范銘一軍亦
於二十五日抵紮石梯寺將店子川賊巢攻破

臣查狄道州城被逆回攻陷五載負嵎自固拒
守甚堅舒之翰親臨前敵與各統領商酌機宜
剋期攻拔洵爲瞻識兼備該員前保記名知府
仰懇
天恩俯准免補知府以道員仍留陝西無論何項道員
缺出奏請員懸

簡放並
如前函其大爲出代之文先員在清必斷等一

賞加布政使銜其尤爲出力之文武員弁彭汝泗等一

百二十九員懇

恩一併給獎陣亡副將銜參將關得勝等五員請

飭部從優議卹以慰忠魂軍需局布政使林之望西甯

道崇保安肅道蔣凝學日與臣商籌軍火糧餉

並堵剿機宜深資贊畫應如何分別獎勵暨各

營統領記名提督勃勇巴圖魯黃金山記名提

督敏勇巴圖魯傅先宗記名提督猛勇巴圖魯
梅開泰記名提督強勇巴圖魯王得勝記名副
都統善山保常順記名提督振勇巴圖魯彭忠
國可否

特頒賞賚出自

並懇

聖主鴻施范銘於收復洮州案內曾保儘先副將請
旨免補副將交軍機處記名遇有總兵缺出請

旨簡放並

賞加提督銜蘭州道豫師總理南路糧臺勾稽詳慎任

忽任勞並懇

賞加布政使銜以示鼓勵

穆圖善又奏言秦州四十里鋪溝內突有馬步
賊數千劫奪糧餉軍火豫師聞信卽派遊擊熊
得勝等迎擊該匪蜂擁前來意在潛襲州城經

熊得勝等督隊擊敗賊騎竄入牡丹園地方同該處踞逆三千餘衆聯爲一氣副將敖天印督率各營首先衝入堡中豫師督軍繼進該逆拚死抗拒官軍奮勇攻擊該逆始由山坡紛竄鹽關一帶敖天印折回甯遠以扼賊路派熊得勝一營先回秦州以資防守豫師亦卽拔隊回秦以顧州城現在糧路已通州城可保無虞其尤

聖裁

爲出力員弁可否彙入克復狄道案內酌保數人以資感奮恭候

穆圖善又奏言肅州踞匪久未攻克而烏魯木

齊提臣成祿又將王仁和黃祖淦兩軍奏請歸

其節制從此兵將各不相能上年十二月王仁

和派撥兵勇赴肅州屬金佛寺一帶截擊竄匪

不意該處戶民勾結回逆圍困堡城暗挖地道於是月十九日將金佛寺堡攻陷該逆又於二十七日直抵清水堡立逼該處營員及地方百姓寫立和約合同獻堡堡內糧石全行搶去又成祿所部統領馬天祥帶領兵勇離營百餘里遠紮金佛寺陽爲堵禦回逆陰實縱勇在河西各堡騷擾加以成祿王仁和委員十餘人勒捐

錢糧枷鎖比追以致激變並據兼署甘涼道崇
福稟稱仁字新中營參將王禮和隊伍於上年
十二月二十日行至高臺縣屬之河西壩該營
勇丁與楚勇因事口角互相鬪毆被楚勇殺傷
六十餘名本年正月二十八日該營又復潰亂
竄擾高臺撫彝張掖各屬境內並與成祿派來
招安之弁勇擅行開仗互有殺傷現在該勇呈